

Аж үйлдвэр, эрдэс баялгийн яамны
Төрийн нарийн бичгийн даргын
2025 оны 02 дугаар сарын 10-ний өдрийн
дугаартай албан бичгийн хавсралт

**ҮНДЭСНИЙ ГЕОЛОГИЙН АЛБАНЫ
2024 ОНЫ ГҮЙЦЭТГЭЛИЙН ТӨЛӨВЛӨГӨӨНИЙ БИЕЛЭЛТЭД ХИЙСЭН
ХЯНАЛТ-ШИНЖИЛГЭЭ, ҮНЭЛГЭЭНИЙ ТАНИЛЦУУЛГА
/2024 оны жилийн эцэс/**

2025 оны 02 дугаар сарын 10

Нэг. Хяналт-шинжилгээ, үнэлгээний зорилго.

Хяналт-шинжилгээ, үнэлгээний зорилго нь Төсвийн ерөнхийлөн захирагч (Аж үйлдвэр, эрдэс баялгийн сайд)-аас төсвийн шууд захирагч (Үндэсний геологийн албаны дарга)-тай зөвшилцөн баталсан Үндэсний геологийн албаны 2024 оны гүйцэтгэлийн төлөвлөгөөний биелэлтэд жилийн эцсийн байдлаар хяналт-шинжилгээ, үнэлгээ хийж, зорилтыг хүрэх түвшинтэй нь харьцуулан, хэрэгжилтийн түвшинг тогтоох, үр дүнг үнэлэх, дүгнэлт, зөвлөмж гаргах, яамны удирдлагыг бодит мэдээллээр хангах, цаашид төлөвлөгөөг бүрэн хэрэгжүүлэхэд дэмжлэг үзүүлэхэд оршино.

Хоёр. Хяналт-шинжилгээ, үнэлгээний арга зүй.

Монгол Улсын Яамны эрх зүйн байдлын тухай хуулийн 7 дугаар зүйлийн 7.1.4, Засгийн газрын 2020 оны “Журам шинэчлэн батлах тухай” 217 дугаар тогтоолоор батлагдсан “Байгууллагын гүйцэтгэлийн төлөвлөгөө боловсруулах, гүйцэтгэлийн зорилт, шалгуур үзүүлэлтийг тогтоох, тайлан гаргах журам”-ын 4.2 дахь заалтыг тус тус үндэслэн Үндэсний геологийн албаны 2024 оны гүйцэтгэлийн төлөвлөгөөнд тусгагдсан 5 зорилго, 27 зорилтын хүрээнд 83 арга хэмжээний биелэлтийн тайланд хяналт-шинжилгээ, үнэлгээ хийлээ.

Гурав. Хяналт-шинжилгээ, үнэлгээний үр дүнд илэрсэн зөрчил, дутагдал.

Хяналтад авсан Үндэсний геологийн албаны 2024 оны гүйцэтгэлийн төлөвлөгөөнд тусгагдсан 5 зорилго, 27 зорилтын хүрээнд 83 арга хэмжээний биелэлтэд жилийн эцсийн байдлаар хяналт-шинжилгээ, үнэлгээ хийхэд дараах зөрчил, дутагдал илэрсэн тул холбогдох санал, зөвлөмжийг хэрэгжүүлж ажиллах шаардлагатай байна. Үүнд:

ЗОРИЛГО 1. “Улсын төсвийн хөрөнгөөр нутаг дэвсгэрийн геологи, геофизик, геохими, гидрогеологи, геоэкологи, геотехникийн зэрэг зураглал, судалгаа, шинжилгээний ажлыг үе шаттай төлөвлөх, гүйцэтгэх, удирдах”

- 1.2.1. дэх зорилтод “Геологийн судалгааны ажил гүйцэтгэх түүнд тавигдах шаардлага, зааврыг батлуулсан байна.” гэж тусгагдсан боловч тайланд энэхүү зааврыг батлуулсан эсэх нь тодорхойгүй байна.
- 1.5.2. дахь зорилтод тусгагдсан УГЗ-200 М лист нэгтгэл төслийн гэрээний хугацааг ямар шалтгаанаар сунгасан мөн эцсийн тайланг хүлээн авсан эсэх нь тодорхойгүй байна.
- 1.5.3. дахь зорилтын хүрээнд УГЗ-200 М лист нэгтгэл төслийн үр дүнгийн тайланг ЭБМЗ-өөр хэлэлцүүлж хүлээн авсан эсэх тодорхойгүй байна.
- 1.6.2. дахь зорилтод тусгагдсан Дархан хотын нутаг дэвсгэрт 1:25000-ны масштабын геоэкологи, гидрогеологийн зураглал, дагалдах мэдээллийн сан бүхий үр дүнгийн тайланд засвар хийн дахин ЭБМЗ-өөр хэлэлцүүлсэн эсэх тодорхойгүй байна.
- 1.8.1. дэх зорилтод тусгагдсан Монгол орны нийт нутаг дэвсгэрийн хэмжээнд Мезо-Кайнозойн хурдсын тархалт, зүй тогтол, ашигт малтмалын хэтийн төлөвийн үнэлгээ өгөх “Мезо-Кайнозой-2021” төслийн гэрээний хугацааг ямар шалтгаанаар сунгасан

эсэх мөн тайланг хүлээн авч, Монгол Улсын эрдэс баялгийн мэдээллийн санд бүртгүүлсэн эсэх тодорхойгүй байна.

ЗОРИЛГО 2. “Ашигт малтмалын тархалтын зүй тогтол, минерагений суурь судалгаа хийж, эрдэс баялгийн хэтийн төлөвийн үнэлгээ өгөх, улс орны эрдэс баялгийн нөөцийг нэмэгдүүлэхэд чиглэсэн ашигт малтмалын эрлийн болон хөрөнгө оруулагчдын сонирхлыг татахуйц бүс, зангилгаа, талбайг ялгах ажлыг зохион байгуулах”

- 2.1.1. дэх зорилтод тусгагдсан Улсын төсвийн хөрөнгөөр хэрэгжиж байгаа ӨТТЭ-2, БМШАМ, ЭҮ-4 эрдэс баялгийн сэдэвчилсэн судалгаа төслүүдийн гэрээний хугацааг ямар шалтгаанаар сунгасан мөн тайланг хүлээн авч, Монгол Улсын эрдэс баялгийн мэдээллийн санд бүртгүүлсэн эсэх тодорхойгүй байна.
- 2.3.1. дэх зорилт аль байгууллагын чиг үүрэгт хамаарч байгаа нь тодорхойгүйгээс биелэлт гарах боломжгүй байна.

ЗОРИЛГО 3. “Үндэсний геологи, эрдэс баялгийн мэдээллийн төрөлжсөн, нэгдсэн сан бүрдүүлэх, баяжуулах, боловсруулах, хэрэглэгчийг мэдээллээр хангах”

- 3.2.3. дахь зорилтод Ашигт малтмалын нөөцийн Улсын нэгдсэн тоо бүртгэлд шинээр 100 ордын тайлангийн үр дүнг шинээр нэмж бүртгэнэ гэсэн боловч 65 нөөцийн мэдээлэл бүртгэсэн байна.

ЗОРИЛГО 4. “Төрийн захиргааны төв байгууллагад геологийн судалгааны бодлого боловсруулахад дэмжлэг үзүүлэх, холбогдох төрийн захиргааны болон судалгааны байгууллагатай гидрогеологи, геофизик, геоэкологи, мөн түүнчлэн ашигт малтмалын хайгуул, ашиглалтын тусгай зөвшөөрөл эзэмшигч, газрын тосны эрлийн, гэрээлэгчийн хайгуул, ашиглалтын талбайд хамаарах мэдээллээр улсын геологийн фонд, баримтын төвийг арвижуулан, харилцан үйлчилгээ үзүүлэх”

- 4.2.3 дахь зорилтод тусгагдсан онлайн лавлагааны систем нэвтэрсэн эсэх тодорхойгүй байна.
- 4.4.2 дахь зорилтод тусгагдсан “Геологийн баримтын төв архивд геологийн судалгааны тайлан хүлээн авах, хадгалах, хамгаалах, ашиглах, үйл ажиллагааг зохицуулах дотоод журам”-ыг боловсруулсан боловч батлуулсан эсэх нь тодорхойгүй байна.
- 4.4.3 “Техник, эдийн засгийн үндэслэл, Хайгуулын ажлын үр дүнгийн тайлан, Зураглалын тайлан архивд хүлээн авах заавар”-ыг боловсруулсан боловч батлуулсан эсэх нь тодорхойгүй байна.

ЗОРИЛГО 5. “Төрийн захиргааны удирдлагын манлайлал, хүний нөөцийн удирдлагаар хангах, байгууллагын хөрөнгө санхүүгийн эх үүсвэрийг оновчтой удирдах, тайлагнах, албаны үйл ажиллагаатай холбоотой дүрэм, журам, стандарт боловсруулах, батлуулах, мөрдүүлэхэд эрх зүйн дэмжлэг үзүүлэх, салбарын хэмжээнд байгуулагдах гэрээ, хэлэлцээр хийх ажлыг зохион байгуулах, салбарыг сурталчлах, хяналт-шинжилгээ, үнэлгээний асуудлыг эрхлэх, гадаад орнууд, олон улсын геологийн алба, байгууллагатай хамтын ажиллагааг хөгжүүлэх”

- 5.3.2 Геологи судалгааны чиглэлээрх холбогдох дүрэм журмыг боловсронгуй болгох, хэрэгжилтэд хяналт тавина гэсэн гүйцэтгэлийн төлөвлөгөөний хүрээнд ажил хийгдсэн эсэх тодорхойгүй байна.
- 5.4.7 Мөн 2024 онд гүйцэтгэхээр төсөвт тусгагдсан ҮГА-ны байрны дээврийн засвар, ариун цэврийн өрөөнүүдийн засвар, барилгын дотоод засварын ажил үйлчилгээний тендер амжилтгүй болсон шалтгаан тодорхойгүй байна.

ҮНЭЛГЭЭНИЙ НЭГТГЭЛ
/2024 оны жилийн эцэс/

Зорилго, зорилт	Арга хэмжээний тоо	Хэрэгжилтийн явц /хувиар/							Үнэлгээ /хувиар/
		100	80	70	50	30	0	1/	
ЗОРИЛГО 1. Улсын төсвийн хөрөнгөөр нутаг дэвсгэрийн геологи, геофизик, геохими, гидрогеологи, геоэкологи, геотехникийн зэрэг зураглал, судалгаа, шинжилгээний ажлыг үе шаттай төлөвлөх, гүйцэтгэх, удирдах									
Зорилт 1.1.1:50000-ны масштабын геологийн зураглал,ерөнхий эрлийн ажлын хэмжээг нэмэгдүүлж, нутаг дэвсгэрийн 47%-ийг хамруулах /ЗГҮАХ-АХТ 3.2.3.1/.	5	4	1	1/	1/	1/	1/	1/	98
Зорилт 1.2.1:25000-ны масштабын нарийвчилсан геологийн зураглалын ажлыг эхлэх, нутаг дэвсгэрийн 0.15 хувийг хамруулна. /ЗГҮАХ-АХТ 3.2.3.2/.	1	1/	1/	1/	1	1/	1/	1/	50
Зорилт 1.3. Геохимийн 1:1000000-ын масштабын зураг зохиох ажлыг хэрэгжүүлэх, нутаг дэвсгэрийг 100% хамруулах /ЗГҮАХ-АХТ 3.2.3.5/.	1	1	1/	1/	1/	1/	1/	1/	100
Зорилт 1.4. Улсын төсвийн хөрөнгөөр явуулж байгаа үйл ажиллагааг эрхлэх, гэрээгээр гүйцэтгүүлсэн ажилд хяналт тавих, тайланг хүлээн авч хянах, холбогдох дүгнэлт гаргах замаар геологи судалгааны ажлыг удирдан чиглүүлэх /УГАСТ.Зорилт-1.2/.	2	2	1/	1/	1/	1/	1/	1/	100
Зорилт 1.5. Улсын геологийн 1:200000-ны масштабын иж бүрэн зургийг нэгтгэж дуусгах, нутаг дэвсгэрийн 100 хувийг хамруулах. /ЗГҮАХ-АХТ 3.2.3.3/.	4	1	1/	3	1/	1/	1/	1/	77.5
Зорилт 1.6. Агаарын геофизикийн 1:200000-ны масштабын соронзон судалгааны ажлыг хэрэгжүүлэх, нутаг дэвсгэрийн 70 хувийг хамруулах /ЗГҮАХ-АХТ 3.2.3.4/.	2	2	1/	1/	1/	1/	1/	1/	100

Зорилт 1.7. Бүс нутаг болон хотуудын геоэкологи, гидрогеологи, геотермийн судалгааны ажил хийх. /ЗГҮАХ-АХТ 3.2.3.6/.	3	1	/-/	2	/-/	/-/	/-/	/-/	80
Зорилт 1.8 Геологийн өв, тулгуур зүсэлт, онцлог тогтоц, тектоник, минерагенийн болон геохими, геофизик, энергийн түүхий эдийн хэтийн төлөвийн сэдэвчилсэн судалгааны ажил хийх /ЗГҮАХ-АХТ 3.2.3.7/.	3	2	/-/	/-/	1	/-/	/-/	/-/	83.3
Дүн	21	13	1	5	2	/-/	/-/	/-/	86
ЗОРИЛГО 2. Ашигт малтмалын тархалтын зүй тогтол, минерагений суурь судалгаа хийж, эрдэс баялгийн хэтийн төлөвийн үнэлгээ өгөх, улс орны эрдэс баялгийн нөөцийг нэмэгдүүлэхэд чиглэсэн ашигт малтмалын эрлийн болон хөрөнгө оруулагчдын сонирхлыг татахуйц бүс, зангилгаа, талбайг ялгах ажлыг зохион байгуулах									
Зорилт 2.1. Өндөр технологийн түүхий эд болох газрын ховор элемент, үнэт, өнгөт, хар, холимог металл, металл бус ашигт малтмал болон газрын тосны эрэл,хайгуулын ажлын хөрөнгө оруулалтыг нэмэгдүүлэх замаар эрдэс баялгийн нөөцийг арвижуулах /Шинэ сэргээлтийн бодлого-3.1.2, ЗГҮАХ-3.2.5/.	3	2	/-/	1	/-/	/-/	/-/	/-/	90
Зорилт 2.2. Улсын төсвийн хөрөнгөөр явуулж байгаа үйл ажиллагааг эрхлэх, гэрээгээр гүйцэтгүүлсэн ажилд хяналт тавих, тайланг хүлээн авч хянах, холбогдох дүгнэлт гаргах замаар геологийн судалгааны ажлыг удирдан чиглүүлэх /ЗГҮАХ-АХТ 3.2.3/	1	1	/-/	/-/	/-/	/-/	/-/	/-/	100
Зорилт 2.3. Улсын төсвийн хөрөнгөөр геологи-хайгуулын ажил хийгдсэн ордыг ашиглаж байгаа хуулийн этгээдээс АМТХ-д заасан зардлыг төсөвт төвлөрүүлэхэд шаардлагатай тооцоо хийх	1	/-/	/-/	/-/	/-/	/-/	/-/	/-/	/-/
Дүн	4	3	/-/	1	/-/	/-/	/-/	/-/	63.3
ЗОРИЛГО 3. Үндэсний геологи, эрдэс баялгийн мэдээллийн төрөлжсөн, нэгдсэн сан бүрдүүлэх, баяжуулах, боловсруулах, хэрэглэгчийг мэдээллээр хангах									

Зорилт 3.1.Хэрэглэгчийг мэдээллээр түргэн шуурхай найдвартай хангах зорилгоор Үндэсний геологи, эрдэс баялгийн мэдээллийн нэгдсэн цахим санг баяжуулах /ЗГҮАХ 3.2.4/.	3	3	/-/	/-/	/-/	/-/	/-/	/-/	100
Зорилт 3.2. Хэрэглэгчийг мэдээллээр шуурхай, найдвартай хангах геологийн төрөл бүрийн мэдээллээр төрөлжсөн нэгдсэн цахим сан бүрдүүлэх, баяжуулах, боловсруулах /ЗГҮАХ 3.2.4/.	4	3	/-/	1	/-/	/-/	/-/	/-/	92.5
Зорилт 3.3. Төрийн цахим ой санамж болох мэдээллийн сан, өгөгдлийн бүрэн бүтэн, нэгдмэл, аюулгүй байдлыг хангаж нэг эх сурвалж бүхий мэдээлэл, нээлттэй өгөгдлийг бий болгон хөгжүүлж, төрийн үйлчилгээний нэгдсэн системтэй холбох, төрийн үйлчилгээг түргэн шуурхай болгох /2021-2025 онд хөгжүүлэх таван жилийн үндсэн чиглэл 5.3/.	2	2	/-/	/-/	/-/	/-/	/-/	/-/	100
Зорилт 3.4. Монгол Улсын нутаг дэвсгэрийн хэмжээнд гүйцэтгэсэн геологийн болон сэдэвчилсэн судалгааны ажлын үр дүнгээр тогтоогдсон, сонгон шалгаруулалтаар олгох боломжтой, ашигт малтмалын хэтийн төлөвтэй талбайн мэдээллийг нэгтгэж холбогдох төрийн захиргааны төв байгууллагыг мэдээллээр хангах	1	1	/-/	/-/	/-/	/-/	/-/	/-/	100
Зорилт 3.5. Монгол Улсын ашигт малтмалын ордын нөөцийн тэнцэл /баланс/ гаргах, тайлагнах, хөтлөх	1	/-/	/-/	1	/-/	/-/	/-/	/-/	70
Дүн	11	9	/-/	2	/-/	/-/	/-/	/-/	92.5
ЗОРИЛГО 4. Төрийн захиргааны төв байгууллагад геологийн судалгааны бодлого боловсруулахад дэмжлэг үзүүлэх, холбогдох төрийн захиргааны болон судалгааны байгууллагатай гидрогеологи, геофизик, геоэкологи, мөн түүнчлэн ашигт малтмалын хайгуул, ашиглалтын тусгай зөвшөөрөл эзэмшигч, газрын тосны эрлийн, гэрээлэгчийн хайгуул, ашиглалтын талбайд хамаарах мэдээллээр улсын геологийн фонд, баримтын төвийг арвижуулан, харилцан үйлчилгээ үзүүлэх.									

Зорилт 4.1 Архивын баримтын аюулгүй байдлын баталгааг хангаж, хадгалалт хамгаалалтыг сайжруулах шат дараалсан арга хэмжээ авах /УГА-ны Стратеги төлөвлөгөө 4.1/	4	4	/-/	/-/	/-/	/-/	/-/	/-/	100
Зорилт 4.2. Архивын үйлчилгээг боловсронгуй болгох, зохион байгуулах /УГА-ны Стратеги төлөвлөгөө 4.2/	3	2	/-/	1	/-/	/-/	/-/	/-/	90
Зорилт 4.3. Газрын хэвлийн тухай хууль, Архив, албан хэрэг хөтлөлтийн тухай хууль тогтоомжуудын хүрээнд газрын хэвлийд хийгдсэн бүх төрлийн судалгааны ажлын тайлан мэдээг нэгтгэн хүлээн авах, тайлан мэдээг тогтмол гаргах	3	3	/-/	/-/	/-/	/-/	/-/	/-/	100
Зорилт 4.4. Архивын үйл ажиллагааг олон улсын, ижил төстэй архивын сан хөмрөгтэй харьцуулан судалж, нэгдсэн бүртгэлд гишүүнчлэлээр элсэж, үйл ажиллагааг тогтмол сайжруулах	3	1	/-/	2	/-/	/-/	/-/	/-/	80
Зорилт 4.5. Иргэд, хуулийн этгээдэд Төрийн архивын баримтаар түргэн шуурхай үйлчилгээ үзүүлэх, Улсын төсөвт орлого төвлөрүүлэх	1	1	/-/	/-/	/-/	/-/	/-/	/-/	100
Дүн	14	11	/-/	3	/-/	/-/	/-/	/-/	94
ЗОРИЛГО 5. Төрийн захиргааны удирдлагын манлайлал, хүний нөөцийн удирдлагаар хангах, байгууллагын хөрөнгө санхүүгийн эх үүсвэрийг оновчтой удирдах, тайлагнах, албаны үйл ажиллагаатай холбоотой дүрэм, журам, стандарт боловсруулах, батлуулах, мөрдүүлэхэд эрх зүйн дэмжлэг үзүүлэх, салбарын хэмжээнд байгуулагдах гэрээ, хэлэлцээр хийх ажлыг зохион байгуулах, салбарыг сурталчлах, хяналт-шинжилгээ, үнэлгээний асуудлыг эрхлэх, гадаад орнууд, олон улсын геологийн алба, байгууллагатай хамтын ажиллагааг хөгжүүлэх									
Зорилт 5.1. Төрийн үйлчилгээний чанар хүртээмжийг сайжруулах /УГА-ны Стратеги төлөвлөгөө 5.1/	11	11	/-/	/-/	/-/	/-/	/-/	/-/	100
Зорилт 5.2. Салбарын мэргэжилтэй боловсон хүчний чадавхыг дээшлүүлэх, хэрэгжилтийг зохицуулах, зохион байгуулах	2	2	/-/	/-/	/-/	/-/	/-/	/-/	100
Зорилт 5.3. Үндэсний геологийн албаны Стратеги төлөвлөгөөний 5 дугаар зорилго, Зорилт 2. Салбарын хууль, эрх зүйн орчны	3	/-/	/-/	1	1	/-/	1	/-/	40

харилцааг боловсронгуй болгоход дэмжлэг үзүүлэх									
Зорилт 5.4. Улсын төсвийн хөрөнгөөр гүйцэтгэх геологийн судалгааны ажлын төсвийн гүйцэтгэлд хяналт тавих /Төсөв хуваарилах, зарцуулах, гүйцэтгэгчийг сонгон шалгаруулах эрхийг Уул уурхай, хүнд үйлдвэрийн сайдын 2022 оны 01 дүгээр сарын 14-ний өдрийн А/06 дугаар тушаал/.	7	6	/-/	/-/	1	/-/	/-/	/-/	92.8
5.5 Төсвийн ил тод, хариуцлагатай байдлыг дээшлүүлэх	4	3	/-/	1	/-/	/-/	/-/	/-/	92.5
Зорилт 5.6. Байгууллагын үйл ажиллагаанд хяналт-шинжилгээ, үнэлгээ хийх, үр нөлөө, үр ашгийг дээшлүүлэх санал боловсруулах, тайлагнах, хариуцлага тооцох, урамшуулах, дотоодын хяналтын тогтолцоог сайжруулах, 2023 оны зорилтот түвшин, хүрсэн түвшний зөрүүг бууруулах.	5	5	/-/	/-/	/-/	/-/	/-/	/-/	100
Дүн	32	27	/-/	2	2	/-/	1	/-/	87.5
Нийт дүн	83	63	1	13	4	/-/	2	/-/	90.36

Дөрөв. Дүгнэлт.

1. Үндэсний геологийн албаны 2024 оны гүйцэтгэлийн төлөвлөгөөний биелэлт 2024 оны 12 дугаар сарын байдлаар **90.36** хувь үнэлэгдсэн бөгөөд ерөнхий 5 зорилго, 27 зорилтын хүрээнд 83 арга хэмжээг хэрэгжүүлэхээр тусгагдсаны зорилтод түвшинд хүрч 90-100 хувийн гүйцэтгэлтэй 64, үр дүн тодорхой хэмжээгээр гарч, боловсруулалтын шатанд байгаа буюу 50-70 хувийн гүйцэтгэлтэй 17, гүйцэтгэл хангалтгүй буюу үнэлэх боломжгүй 2 арга хэмжээ байна гэж дүгнэлээ.

Тав. Зөвлөмж.

1. Цаашид Үндэсний геологийн албаны 2025 оны гүйцэтгэлийн төлөвлөгөөг боловсруулахдаа Монгол Улсын урт, дунд хугацааны бодлогын баримт бичиг, Засгийн газрын 2024-2028 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө, Аж үйлдвэр, эрдэс баялгийн яамны 2024-2028 оны стратеги төлөвлөгөө болон танай байгууллагын үндсэн чиг үүрэгт хамаарах төсөл хөтөлбөр, арга хэмжээг хэрэгжихүйц, бодитой боловсруулж тусгах;
2. Гүйцэтгэлийн төлөвлөгөөний зорилго, зорилтын хүрээнд авч хэрэгжүүлсэн арга хэмжээ, төсөл хөтөлбөрт зарцуулсан хөрөнгө, хүрсэн үр дүнг оновчтой байдлаар тайлагнах, холбогдох баримт нотолгоог тухай бүр цуглуулж тайланд хавсаргах /холбогдох хууль тогтоомж, тушаал шийдвэр, тайлан хүлээн авсан тухай баримт,

судалгааны тайланд хяналт тавьсан тухай баримт, санхүүгийн баримт болон албан бичгийн огноо г.м./;

Жич: Үндэсний геологийн албаны 2024 гүйцэтгэлийн төлөвлөгөөний биелэлтэд жилийн эцсийн байдлаар хяналт-шинжилгээ, үнэлгээ хийсэн тухай тайланг үнэлгээний хамт хавсаралтаар хүргүүлж байна.

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР